



ქალაქ ფოთის მუნიციპალიტეტის საკრებულო



განკარგულება № 3/21

2021წლის 29 იაზე

ქალაქი ფოთი

ქალაქ ფოთის მუნიციპალიტეტის მერიის შიდა აუდიტისა და მონიტორინგის
სამსახურის ანგარიში 2021 წლის საქმიანობის შესახებ

ქალაქ ფოთის მუნიციპალიტეტის საკრებულო აღნიშნავს, საქართველოს ორგანული
კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის
„გ.ა“ ქვეპუნქტის შესაბამისად, მუნიციპალიტეტის საკრებულოს უფლებამოსილებას
განეკუთვნება მუნიციპალიტეტის აღმასრულებელი ორგანოებისა და თანამდებობის
პირების საქმიანობის კონტროლი და მათი ანგარიშების მოსმენა და შეფასება.

ქალაქ ფოთის მუნიციპალიტეტის მერიის შიდა აუდიტისა და მონიტორინგის
სამსახურის მიერ წარმოდგენილი ანგარიშის მიხედვით, ცალკეული აუდიტორული
შემოწმებებით გამოვლენილი აუდიტორული მიგნებების შესაბამისად, შიდა აუდიტის
ობიექტებს მიეცათ შესაბამისი რეკომენდაციები. 2021 წელს გეგმის ფარგლებში
განხორციელებული 2 ობიექტის შემოწმების შედეგად გაცემულია 20 რეკომენდაცია.
მონიტორინგის განყოფილების მიერ 2021 წელს ჩატარებული მონიტორინგის მიხედვით,
შიდა აუდიტის მიერ 2020 წელს შემოწმებულ 3 ობიექტში, რომელშიც გაცემული იყო სულ 13
რეკომენდაცია, შესრულებულია 10 რეკომენდაცია, ხოლო 3 არ შესრულებულა. ყველა
გაცემული რეკომენდაცია ორიენტირებული იყო შიდა აუდიტის ობიექტში ფინანსური
მართვისა და კონტროლის სისტემის შემუშავებაზე და გაუმჯობესებაზე.

ზემოაღნიშნულის გათვალისწინებით, ქალაქ ფოთის მუნიციპალიტეტის მერიის შიდა
აუდიტისა და მონიტორინგის სამსახურის ანგარიში 2021 წლის შედეგების მიხედვით
შესაძლებელია შეფასდეს დამაკმაყოფილებლად.

აღნიშნულიდან გამომდინარე:

მუხლი 1.

- ქალაქ ფოთის მუნიციპალიტეტის მერიის შიდა აუდიტისა და მონიტორინგის
სამსახურის ანგარიში 2021 წლის საქმიანობის შესახებ მიღებულ იქნას ცნობად
(ანგარიში თან ერთვის).
- ქალაქ ფოთის მუნიციპალიტეტის მერიის შიდა აუდიტისა და მონიტორინგის
სამსახურის მიერ გაწეული მუშაობა 2021 წლის შედეგების მიხედვით შეფასდეს
დამაკმაყოფილებლად.

მუხლი 2.

- ქალაქ ფოთის მუნიციპალიტეტის მერმა (ბექა ვაჟარაძე) საქართველოს ორგანული
კანონის „ადგილობრივი თვითმმართველობის კოდექსის“ 54 -ე მუხლის პირველი
პუნქტის „ბ.დ.“ ქვეპუნქტის შესაბამისად, გაატაროს ქმედითი ღონისძიებები ქალაქ
ფოთის მუნიციპალიტეტის მერიის შიდა აუდიტისა და მონიტორინგის სამსახურის
მიერ აუდიტორული შემოწმების შედეგად გაცემული რეკომენდაციების შესრულების

- კონტროლის მიზნით და გატარებული ღონისძიებების შესახებ აცნობოს ქალაქ ფოთის მუნიციპალიტეტის საკრებულოს 2022 წლის ბოლომდე.
2. კონტროლი განკარგულების შესრულებაზე დაევალოს საკრებულოს საფინანსო-საბიუჯეტო კომისიას (თემური დუნდუა).

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა N3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარე

ალექსანდრე ტყებუჩავა

